



- POSLANICIMA/ZASTUPNICIMA SKUPŠTINE
ZENIČKO-DOBOJSKOG KANTONA
- VLADI ZENIČKO-DOBOJSKOG KANTONA
- SREDSTVIMA JAVNOG INFORMISANJA/MEDIJIMA
- SLUŽBI ZA ZAJEDNIČKE POSLOVE
- MINISTARSTVU UNUTRAŠNJIH POSLOVA

Broj: 01-01-7401-5-1/20
Zenica, 19.06.2020. godine

P R O T O K O L
**ZA ODRŽAVANJE NASTAVKA 22. SJEDNICE SKUPŠTINE ZENIČKO-DOBOJSKOG
KANTONA ZAKAZANOG ZA DAN 25.06.2020. GODINE U 10:00 SATI
U SALI/DVORANI 301 III SPRAT ANEX-A ZGRADE SJEDIŠTA KANTONA**

S obzirom da je Naredbom Kriznog štaba Federalnog ministarstva zdravstva koja se primjenjuje od 31.05.2020. godine, dozvoljeno javno okupljanje za ne više od 100 osoba u zatvorenom prostoru, (s tim da se sva okupljanja moraju odvijati u prostoru koji omogućava obaveznu fizičku distancu od 2 metra između osoba i uz obavezno nošenje zaštitnih maski), i nastavak 22. sjednice Skupštine Zeničko-dobojskog kantona, **zakazan za dan 25.06.2020. godine (četvrtak) u 10:00 sati**, u sali/dvorani 301 III sprat anex-a zgrade, će se održati uz obavezno poštivanje i pridržavanje slijedećih pravila i mjera:

1. Na dan održavanja nastavka sjednice Skupštine (najmanje 2 sata prije početka nastavka sjednice) izvršiti obaveznu dezinfekciju sale 301, u kojoj će se održati nastavak sjednice Skupštine, (uključujući sve stolove, stolice, govornicu i druge površine), te provjetravanje navedene prostorije prije i tokom trajanja nastavka sjednice, **(bez uključivanja klima uređaja)**, kao i obezbjeđivanje dezinfekcionog sredstva na ulazu u salu 301, (što su dužni obezbijediti i vršiti nadležne osobe Službe za zajedničke poslove), kako bi svi učesnici nastavka sjednice prilikom ulaska u salu izvršili dezinfekciju ruku.
2. Svi poslanici/zastupnici Skupštine Kantona će biti dužni da se prilikom ulaska u zgradu, na prijavnici, podvrgnu mjerenju tjelesne temperature, što će vršiti nadležni zaposlenici Službe za zajedničke poslove.
3. Svi poslanici/zastupnici Skupštine Kantona, prilikom ulaska u zgradu Kantona radi dolaska na nastavak sjednice Skupštine i tokom cijelog održavanja nastavka sjednice Skupštine, dužni su imati ličnu/osobnu zaštitnu opremu (zaštitnu masku za lice).
4. Premijer Kantona, članovi Vlade Kantona i ostali koji su izvjestioci po pojedinim tačkama dnevnog reda iz svoje nadležnosti, nastavku sjednice će pristupiti u vrijeme kada ista po redoslijedu bude na dnevnom redu i moraju na sebi imati ličnu/osobnu zaštitnu opremu (zaštitnu masku za lice).
5. Oni poslanici/zastupnici Skupštine Kantona, kao i ostali učesnici nastavka sjednice, koji imaju bilo kakvu (i najmanju), sumnju u svoju eventualnu zaraženost korona virusom, (zbog postojanja određenih simptoma ili ranijih kontakata sa osobama koje dolaze iz zaraženih područja i osobama koje su sa njima bili u kontaktu), da ne dolaze na nastavak sjednice Skupštine, a svoje odsustvo su dužni najaviti predsjedavajućem Skupštine.
6. Nastavku sjednice Skupštine, u sali 301, moći će prisustvovati predstavnici sredstava informisanja/medija i to na način, da u sali, na mjestu predviđenom za medije mogu biti prisutna samo dva predstavnika sredstava informisanja/medija, s tim što se međusobnim dogovorom mogu mijenjati, a ostali predstavnici sredstava informisanja/medija mogu da borave ispred sale 301. Izjave za medije će se moći uzimati samo na mjestu predviđenom za tu svrhu ispred sale Skupštine.
7. Svi poslanici/zastupnici Skupštine Kantona će u sali 301, (u kojoj će se održati nastavak sjednice Skupštine,) sjediti na prethodno označenim mjestima sa njihovim imenima i prezimenima, prema uputama nadležnih zaposlenika Stručne službe Skupštine, između kojih će biti razmak od minimalno 2 metra, što se mora poštovati tokom trajanja cijelog nastavka sjednice Skupštine.
8. Svi poslanici/zastupnici Skupštine Kantona će u sali 301, na stolici zateći evidencioni list koji su dužni popuniti svojom hemijskom olovkom i isti predati nadležnoj namještenici Stručne službe Skupštine.

9. Tokom cijelog održavanja nastavka sjednice Skupštine svi učesnici na nastavku sjednice, moraju poštovati mjeru socijalne distance odnosno obaveznog razmaka između osoba od minimalno 2 metra, (što znači da ne smiju prilaziti jedni drugima), te korištenje lične zaštitne opreme, (obavezno nošenje zaštitnih maski za lice), te se ne smiju rukovati.
10. Prije i tokom cijelog održavanja nastavka sjednice Skupštine neće biti obezbijeđeno posluživanje toplim napitcima, vodom i sokovima, kao jedna od zaštitnih mjera sprečavanja potencijalno mogućeg izvora zaraze i njenog potencijalno mogućeg prenošenja.
11. Nakon završetka nastavka sjednice, prilikom izlaska iz sale, potrebno je držati navedenu fizičku distancu, s tim da prvi iz sale izlaze oni iz zadnjeg reda, pa prema naprijed.
12. Svi učesnici nastavka sjednice su lično/osobno odgovorni za pridržavanje mjera predviđenih ovim Protokolom, kao i za eventualne posljedice nepridržavanja istih.

PREDSJEDAVAJUĆI

Ćazim Huskić, s.r.

DOSTAVLJENO:

1 x Naslovu

1 x U spis predmeta **nastavka 22. sjednice Skupštine/05-03**